

花 爨 懣

餘

影 餘

綺

詞 詞 語



花

影

詞

王詒壽 著

中華書局

叢書集成初編

懣餘綺語（及其他二種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

花影詞

此據榆園叢刻本
排印初編各叢書
僅有此本

□暝色高樓。山寒寫怨。一池春水。風皺千卿。言情之□。詎泥迹象。刻畫脂黛。爲下駟矣。僕遂裏尋聲。花閒仿□。騷吟所寄。豔製遂多。然而銀漢迢遞。盡步虛之聲。金樓縹渺。蔑藏香之迹。雖寄情乎酥粉。乃幻墨作雲煙。別錄一編。自珍做帚。泥犁可畏。安謝法秀之呵。綺語勿刪。聊償東澤之債。同治壬申夏日。山陰王詒壽自序。

花影詞

山陰王詒壽眉子

更漏子

翠眉顰。紅頰淚。獨自倦和衣睡。金蝶帳。玉螺屏。枕涼秋夢醒。
語蟲聲絮。過了一番疏雨。風暗度。月斜輝。玉河新雁飛。燈無

戀繡衾

杏花微雨壓畫檐。碧璫瓏。花底小簾。盼雙蝶。瑤階影。正扶簾。人露玉
纖。淺紅衫子迴鸞袖。更香棉。半臂翠添。拚又誤。爐春約。怕蒼苔。滑
了鳳尖。

菩薩蠻

落紅庭院春如水。綠窗自繡金詞子。一點唾絨香。惹他胡蝶忙。拈

來新繡稿。粉本西湖好。楊柳短長隄。玉驄何處嘶。

虞美人

去年金絡門前繫。芳草和烟膩。荼蘼花下送君時。說道明年花發是歸期。東風依舊花如雪。只是歸音寂。天涯應也動離情。後夜驛橋殘月杜鵑聲。

玉胡蝶

無言重啓幃紗。牆角月些些。何處滯羊車。紅燈帽影斜。烟銷心字篆。香墜膽瓶花。多分不還家。麗譙三鼓擷。

菩薩蠻

鷓鴣小硯研螺子。娟筠解仿靈飛字。鳳紙界烏絲。閒書碧玉詞。綠窗寒悄悄。誰共蘭閨笑。花影上銀羅。畫屏雙粉娥。

前調

璽籠畫板絲楊下。一春閒卻秋千架。不爲隔牆人。生防阿母嗔。羅
裙還嬾繡。鏡匣翻鈿斗。小朵簇丁香。釵頭金鳳皇。

清商怨

好箇情情小院。但落紅堆滿。喚徹黃鶯。翠幃渾不卷。多應錦衾尙
戀。便一任。幃外春深淺。亂絮天涯。東風吹夢遠。

減字木蘭花

長干如畫。一帶絲楊新綠亞。幺影家家。細雨輕寒瘦杏花。弟三橋
側。不見折花人獨立。竹馬青梅。還憶年時幾度來。

唐多令

悄步繞迴廊。微風度暗香。甚梅花。也號鴛鴦。多事花梢新月色。還照
我。影成雙。迴視帶羅長。苔窠小展涼。倚闌干。半晌思量。知是何人
吹玉簫。剛隔得。一重牆。

浣溪紗

款款輕輕顫玉鈿。遮遮掩掩避金鞍。亭亭嬈嬈可人憐。
鴛鴦瘦。落花微雨鳳城寒。不如歸去凭闌干。
繡徑香塵

前調

小疊鸞衫卸翠蟬。玉簫纖霧裊沈烟。良宵情味鳳檠前。
嬌似粉。三更花語細于絃。薄寒輕煖暮春天。
一幮月痕

江城梅花引

鏡塵欲拂更遲遲。畫雙眉。蹙雙眉。祇覺近來減盡舊風姿。
繡繡譜。又小婢。強呼人。說那時。那時那時費尋思。隄上柳。綠似絲。
去也去也。等不到。滿路花飛。孤負春陰樓閣翠幃垂。便做落紅都化
淚。也未必。逐東風。上客衣。

小重山

長憶皋橋楊柳青。斜街初過雨。月微明。冰窗羅幌峭寒生。人坐久。吹咽玉鴉笙。花睡又嗁鶯。東風飄斷夢。忒無情。如今已是綠陰成。官扇上。留得畫雲英。

瑤華

鴉兒翠幃。鳳尾輕羅。鎖花閒閒戲。娉娉嬋嬋。想乍過堂上。簾錢年紀。垂枝無賴。却兜上。芙蓉香髻。怕鬢邊。墜了珠鈿。喚取隔幃瓊姊。休言妬燕憎鶯。只一味嬌憨。喜孜孜地。春愁未解。怎又解。匿笑。見人羞避。憐伊小樣。是生就。千般伶俐。忍尋常。釵黛看承。合在掌中懷裏。

虞美人

淚花漬粉留衫袖。別夢和香逗。別時風絮點春江。記得顰蛾無語上吳艤。定情曾寫鸞牋句。畫閣黃昏雨。相逢蘭燭暈深屏。記得羞紅雙頰抱素箏。

法駕導引

蓬萊島。蓬萊島。消息近何如。鳳背春風青玉佩。翠鬟仙子紫蘭書。容我敏瓊居。

長眉綠。長眉綠。羽扇不教遮。一曲瑤笙春寂寂。玉綃飛滿碧桃花。重與醉流霞。

雲深處。雲深處。縹緲玉爲樓。親檢金丹教換骨。相逢玉女正梳頭。仙蝶上簾鉤。

天風起。天風起。借得紫蚪車。十萬烟鬟簪玉蕊。絳河西畔上元家。來乞碧城花。

四字令

棋收玉枰。燈藏翠屏。珠簾下了。瓏玲戛金鉤一聲。紗窗月橫。花廊葉鳴。被池覺道寒生。怕鸚哥夜驚。

浪淘沙

香髻早羅兜。別樣風流。吳儂生小住蘭舟。新水桃花三十里。畫汝嬌柔。蕩槳尙含羞。路指紅樓。鴛鴦飛過渡西頭。掠起春波香數點。減了雙鉤。

南歌子

黯黯人初別。喁喁意更憐。最難將息熟梅天。囑付夜涼翠被自家添。夢逐山痕遠。思隨柳影牽。東風早早報平安。千萬錦書莫待雁兒傳。

雙調望江南

良宵憶。最是早秋天。金井蟲聲涼欲雨。玉紗花影澹于烟。漏永稱遲眠。相對處。沈麝鵲鑪添。戲結連環翻翠綫。閒猜謎字賭香鉤。嗔喜總堪憐。

桂殿秋

飛好夢。款瑤局。銀河天遠罷吹笙。白荷花裏珠簾卷。秋露秋風冷畫屏。
花片墮。翠禽驚。一絲香氣裊中庭。月痕斜過雕闌角。暗處微聞玉佩聲。

綺羅香

粉淚鵲催。璫絨雁誤。又是闌珊春事。衣桁塵棲。閒了縷金衫子。忍拋
將。綺歲羅年。總付與。怨紅愁翠。對冰簫。自惜瓊姿。綠窗重把晚妝試。
妝成深院悄悄。誰問雲仙眉嫵。飛瓊名字。象曲闌干。一任薛痕凝
紫。是生成。薄命如花。拚今後。此情隨水。甚雙雙。蛺蝶飛來。鎖依幃額
歲。

采桑子

微寒院落人初靜。澹月朦朧。小膽惺忪。人在輕烟縹緲中。香街穿
過朱藤架。生怕花叢。響戛丁東。卸了釵頭雙玉蟲。
乍前乍卻嬌無那。月爲傳神。花爲傳神。月魄花魂認未真。相逢不
分離闌畔。碧玉佳人。綈袂仙人。不是羅浮夢裏春。

虞美人

娟苔小院紅如繡。花落人消瘦。落花休道不如人。曾是東風擡舉一
番春。無心更對妝臺鏡。簾影扶春病。星星小夢畫廊西。略識歡娛
滋味又驚噉。

祝英臺近

雨霏微。花淺澹。一寸碎紅積。多分絲風。還透畫窗隙。怕伊生小嬌痴。
寒寒煖煖。渾不解。春來將息。雁魚隔。便教雁往魚還。瑣瑣也難說。
黯黯情懷。千里暮雲碧。除非夢到紅樓。香篝翠被。博一晌。輕憐輕惜。

風光好

喜相逢。怨相逢。不分相逢是客中。恁悠悠。
畫堂紅燭。縈香霧。良宵
午。贏得當筵。捧玉甌。一凝眸。

江城子

曲廊盡處小重門。玉簾縈麝熏。近黃昏。刺桐花上。眉月只三分。卻被
青鬟窺影過。和笑問。又佯嗔。

洞仙歌

海紅幃外。早黃昏時候。新月纖纖比人瘦。聽依稀釵索。觸響珊瑚。便
覺得。粉氣脂香拖逗。相逢無一語。剗轡鈴。猶自假人顫腰柳。不
是怕嬌醒。小極心情。怕竊聽。銀籠鸚鵡。問一捻。身軀弱于花者。露怯
風驚。怎生禁受。一更人靜。悵重門閉了。幃內紅燈上來早。望朱樓一
角。只隔花陰。便抵得。人在海天瑤島。茸帷應獨倚。卸了鸞釵。猶怯

春寒被池峭。花外祝東風。憑仗輕輕。把今夜。夢兒吹到。更翠羽。枝頭
莫教嗁。怕喚醒痴雲。斷紅雙笑。中門月印。喜烏龍睡熟。一曲吹殘鷓
鴒竹。向綠楊影裏。度了迴廊。悄步到。花底畫檠深屋。倚屏聞歎息。
瞥見檀奴。淺笑相迎。展蛾綠。低問怎生來。如此涼宵。怕起了。玉樓寒
粟。把半臂。親攜替郎穿。更雪梳分管。茗旂雙簇。青青梅子。悵春期過
矣。欲聘雲英。總無計。認水西門巷。鶯燕全稀。但聽得。鷓鴣聲聲花底。
香車金犢駐。宛轉嬌嗁。銀靶猩痕倩人寄。從此玉簫前。佯笑偷顰。
只寶鏡。知伊心意。漫柳外。重尋舊妝樓。盡掩了文窗。冷清清地。

蝶戀花

門內顰蛾渾不語。門外春陰。遮了垂鞭路。獨自登樓無意緒。繡幃幾
點黃昏雨。明日玉驄何處住。花落江南。芳草青無數。怕見陌頭楊
柳樹。東風吹起漫天絮。